

摘藻堂四庫全書薈要

集部

欽定四庫全書叢要

集部

御定全唐詩卷五百十四

二至


詳校官原任主事_臣李斯咏

欽定四庫全書薈要卷一萬七千九百十七

集部

御定全唐詩卷五百十二

楊洵美

楊洵美登寶歷元年進士第終監察御史詩一首

答李昌期

三山載羣仙
峩峩鹹浪中
雲

一作霞

衣翦不得此路安可

從我生亦何事出門如飛蓬
白日又黃昏
所悲瑤草空

蟲聲故鄉夢枕上禾黍風
吾道如未喪
天運何時

一作處

通

長孫翺

長孫翺與朱慶餘同時詩一首

宮詞

一道甘泉接御溝上皇行處不曾秋誰言水是無情物
也到宮前咽不流

盧求

盧求范陽人宰相攜之父李翺壻也登寶歷二年進士

第官郡守詩一首

和于中丞登越王樓見寄

高情推謝守善政屬綿州未落紫泥詔閑登白雪樓晴
江如送日寒嶺鎮迎秋滿壁朝天士唯予不繫舟

歐陽袞

歐陽袞字希甫閩人寶歷元年及第官侍御史詩九首

雨

細雨弄春陰餘寒入晝深山姿輕薄霧煙色澹幽林鹿

踐莓苔滑魚牽水荇沈懷情方未已清酒漫須斟

田家

黯黯日將夕牛羊村外來巖阿青氣發籬落杏花開
草木應初感鷓鴣亦已催晚間春作好行樂不須猜

神光寺

香刹懸青磴飛樓界碧空石門棲怖鷄慈塔繞歸鴻
有法將心鏡無名屬性通從來樂幽寂尋覓未能窮

和項斯遊頭陀寺上方

步入桃源裏晴花更滿枝峯迴山意曠林杳竹光遲遠
寺尋龍藏名香發鴈池間能將遠語况及上陽時

秦原道中

分險架長瀾斜梁控夕巒宿雲依嶺斷初月入江寒緇
化秦裘敝塵驚漢策殘無言倦行旅遙路屬時難

月峯寺憶理公

共來江海上清論一宵同禪榻渾依舊心期浩已空驚
春花落樹聞梵澗搖風二諦欣咨啟還應夢寐通

寄陳去疾進士

放跡疑辭垢棲心亦道門
玄言蘿幌馥詩思竹爐溫
解帶搖花落彈琴散鳥喧
江山茲夕意唯有素交存

聽郢客歌陽春白雪

寂聽郢中人高歌已絕倫
臨風飄白雪向日奏陽春
調雅偏盈耳聲長杳入神
連連貫珠並裊裊過雲頻
度曲知難和凝情想任真
周郎如賞羨莫使滯芳晨

南澗寺

春寺無人亂鳥啼
藤蘿陰磴野僧迷
雲藏古壁遺龍象
草沒香臺抱鹿麕
松籟泠泠疑梵唄
柳煙歷歷見招提
為耽寂樂親禪侶
莫怪閑行費馬蹄

御定全唐詩卷五百十二

欽定四庫全書薈要卷一萬七千九百十八

集部

御定全唐詩卷五百十三

裴夷直

裴夷直字禮卿河東人擢進士第文宗時歷右拾遺禮部員外郎進中書舍人武宗即位出刺杭州斥驩州司戶參軍宣宗初復拜江華等州刺史終散騎常侍詩一卷

獻歲

一作獻

書情

劉蕡

白髮添雙鬢空宮

過一作

又一年音書鴻不到夢寐兔空

懸地遠星辰側天高雨露偏聖期

一作朝

知有感雲海漫

相連

奉和大梁相公重九日軍中宴會之什

今古同嘉節歡娛但異名陶公緣綠醕謝傅為蒼生酒
泛金英麗詩通玉律清何言辭物累方繫萬人情

奉和大梁相公同張員外重九日宴集

重九思嘉節追歡從謝公酒清欺玉露菊盛愧金風不

待秋蟾白須沈落照紅更將門下客酬和管弦中

同樂天中秋夜洛河翫月二首

清洛半秋懸壁月綵船當夕泛銀河蒼龍領底珠皆沒
白帝心邊鏡乍磨海上幾時霜雪積人間此夜管弦多
須知天地為鑪意盡取黃金鑄作波

不熱不寒三五夕晴川明

一作朗

月正相臨千珠競沒蒼

龍領一鏡高懸白帝心幾處淒涼綠地遠有時惆悵值
雲陰如何清洛如清晝共見初升又見沈

和邢郎中病中重陽強遊樂遊原

嘉晨令節共陶陶風景牽情並不勞
曉日整冠蘭室靜
秋原騎馬菊花高
晴光一一呈金刹
詩思浸浸逼水曹
何必銷憂憑外物
祇將清韻敵春醪

觀淬龍泉劍

歐冶將成器風胡幸見逢
發硎思剗玉投水化為龍
詎肯藏深一作深藏匣終朝用刺鐘
蓮花生寶鏐秋日勵霜鋒
鍊質纔三尺吹毛過百重
擊磨如不倦提握願長從一作

決雲今得便
提出剪奸凶

春色滿皇州

寒銷山水地春遍帝王州
北闕晴光動南山喜氣浮
天紅粧暖樹急綠走陰溝
思婦開香閣王孫上玉樓
氛氲直城北駘蕩曲江頭
今日靈臺下翻然却是愁

亞夫碎玉斗

一作袁
次元詩

雄謀竟不決寶玉終不愛
倏爾霜刃揮颯然春冰碎
飛光動旗幟散響驚環珮
霜灑繡障前星流錦筵
內圖王

業已失為虜言空悔獨有青史中英風觀一作冠千載

水亭

歲律行將變君恩竟未回門前即潮水朝去暮常來

揚州寄諸子

千里隔煙波孤舟宿何處遙思耿不眠淮南夜風雨

酬盧郎中遊寺見招不遇

偶出送山客不知遊梵宮秋光古松下誰伴一仙翁

寓言

秋樹却逢暖未凋能幾時何須尚松桂搖動暫青枝

唁人喪侍兒

夜情河耿耿春恨草綿綿唯有嫦娥月從今照墓田

席上夜別張主簿

紅燭剪還明綠尊添又滿不愁前路長只畏今宵短

方丈泉

循涯不知淺見底似非深永日無波浪澄澄照我心

晚望

日下夕陰長前山凝積翠白鳥一行飛
聯聯粉書字

前山

只謂一蒼翠不知猶數重晚來雲映處
更見兩三峯

發交州日留題解鍊師房

久喜房廊接今成道路賒明朝回首處
此地是天涯

令和州買松

好覓凌霜質仍須帶雨栽須知剖竹日
便是看松來

題斷金集後

一作令
孤楚詩

一覽斷金集再悲埋玉人牙弦千古絕珠淚萬行新

晚涼

簷前蔽日多高樹竹下添池有小渠山客野僧歸去後
晚涼移案獨臨書

和周侍御洛城雪

天街飛轡踏瓊英四顧全疑在玉京一種相如抽祕思
兔園那比鳳凰城

奉和大梁相公送人二首

謝公日日傷離別又向西堂送阿連想到越中秋已盡
鏡河應羨月團圓

北津楊柳迎煙綠南岸闌干映水紅君到襄陽渡江處
始應回首憶羊公

酬唐仁烈相別後喜阻風未發見寄

離心一起淚雙流春浪無情也白頭風若有知須放去
莫教重別又重愁

秦中卧病思歸

索索涼風滿樹頭
破窓殘月五更秋
病身歸處吳江上
一寸心中萬里愁

送王績

翠羽長將玉樹期
偶然飛下肯多時
翩翩一路嵐陰晚
却入青葱宿舊枝

贈美人琴絃

應從玉指到金徽
萬態千情料可知
今夜燈前湘水怨
殷勤封在七條絲

病中知皇子陂荷花盛發寄王績

十里蓮塘路不賒
病來簾外是天涯
煩君四句遙相寄
應得詩中便看花

戲唐仁烈

一作歲日先把屠
蘇酒戲唐仁烈

自知年幾偏應少
先把屠蘇不讓春
儻更數年逢此日
還應惆悵羨他人

上下七盤二首

斗回山路掩皇州
二載歡娛一望休
從此萬重青嶂合

無因更得重回頭

商山半月雨漫漫偶值新晴下七盤山似換來天似洗
可憐風日到長安

八月十五日夜

去年今夜在商州還為清光上驛樓宛是依舊顏色
自憐人換幾般愁

南詔朱藤杖

六節南藤色似朱挂行階砌勝人扶會須將入深山去

倚看雲泉作老夫

夜意

蕭疎盡地林無影
浩蕩連天月有波
獨立空亭人睡後
洛橋風便水聲多

漫作

月色莫來孤寢處
春風又向別人家
梁園桃李雖無數
斷定今年不看花

訪劉君

擾擾馳蹄又走輪
五更飛盡九衢塵
靈芝破觀深松院
還有齋時未起人

楊柳枝詞

已作綠絲籠曉日
又成飛絮撲晴波
隋家不合栽楊柳
長遣行人春恨多

寄杭州崔使君

朝下歸來只閉關
羨君高步出人寰
三年不見塵中事
滿眼江濤送雪山

窮冬曲江閑步

雪盡南坡鴈北飛
草根春意勝春暉
曲江永日無人到
獨遶寒池又獨歸

省中題新植雙松

端坐高宮起遠心
雲高水闊共幽沈
更堂寓直將誰語
自種雙松伴夜吟

崇山郡

地盡炎荒瘴海頭
聖朝今又放驩兜
交州已在南天外

更過交州四五州

臨水

一見心原斷百憂
益知身世兩悠悠
江亭獨倚闌干處
人亦無言水自流

題江上柳寄李使君

桂江南渡無楊柳
見此令人眼暫明
應學郡中賢太守
依依相向許多情

江上見月懷古

月上江平夜不風
伏波遺跡半成空
今宵倍欲悲陵谷
銅柱分明在水中

鸚鵡

勸爾莫移禽鳥性
翠毛紅背任天真
如今漫學人言巧
解語終須累爾身

寄婺州李給事二首

心盡玉皇恩已遠
跡留江郡宦應孤
不知壯氣今何似
猶得凌雲貫日無

瘴鬼翻能念直心五年相遇不相侵
目前唯有思君病無底滄溟未是深

秋日

六眸龜北涼應早三足烏南日正長
常記京關怨搖落如今目斷滿林霜

遣意

梧桐墜露悲先朽松桂凌霜倚後枯
不是世間長在物慙分貞脆竟何殊

戲酬惟賞上人

師是浮雲無著身我居塵網敢相親
應從海上秋風便偶自飛來不為人

寓言

流水頽陽不暫停東流西落兩無情
不是世間人自老古來華髮此中生

憶家

天海相連無盡處夢魂來往尚應難
誰言南海無霜雪

試向愁人兩鬢看

留客

青梅欲熟笋初長
嫩綠新陰遶砌涼
湖館脩然無俗客
白衣居士且匡牀

別蘄春王判官

四十年来貞久故
三千里外暫相逢
今日一杯成遠別
烟波眇眇恨重重

將發循州社日於所居館宴送

金
夕
日
人
夕
二
卷
五
下
一
三
浪花如雪疊江風社過高秋萬恨中明日便隨江燕去
依依俱是故巢空

御定全唐詩卷五百十三

欽定四庫全書薈要卷一萬七千九百十九集部

御定全唐詩卷五百十四

朱慶餘

朱慶餘名可久以字行越州人受知於張籍登寶歷進士第詩二卷

泛溪

曲渚迴花舫生衣卧向風鳥飛溪色裏人語棹聲中餘
卉纔分影新蒲自作叢前灣更幽絕雖淺去猶通

宿陳處士書齋

結茅當此地下馬見高情
菰葉寒塘晚

一作淺

杉陰白石

一作光
小徑

明向爐

一作燈

新茗色隔雪遠鐘聲閒得相逢少

吟多寐不成

上宣州沈大夫

科名繼世古來稀
高步何年下紫微
帝命幾曾移重鎮
時清猶望領春闈
登朝舊友常思見
開幕賢人併望歸
今日得遊風化地
却回滄海有光輝

杭州送蕭寶校書

馬識青山路人隨白浪船別君猶有淚學道謾經年

送盛長史

盛隨軍

莫辭東路遠此別豈閒行職處中軍要官兼上佐榮野
亭楓葉暗秋水藕花明拜省期將近孤舟促去程

宿道士觀

堂閉僊人影空壇月露初閒聽道家子盥漱讀靈書

湖州韓使君置宴

一作陪韓中丞宴不飲酒

老大成名

一作無成

仍足病縱聽絲竹也

一作亦

無歡高情太

守容閒坐借與青山盡日看

題僊遊寺

石抱龍堂蘚石乾
山遮白日寺門寒
長松瀑布饒奇狀
曾有僊人駐鶴看

宮詞

寂寂花時閉院門
美人相並立瓊軒
含情欲說宮中事
鸚鵡前頭不敢言

公子行

閒從

一作蹤

結客冶遊時忘却紅樓薄暮期醉上黃金堤

上去馬鞭捎斷綠楊絲

送陳標

滿酌勸童僕好

一作相

隨郎馬蹄春風

一作花時

慎行李莫上

白銅鞮

尋古觀

僊觀曾過知不遠花藏石室杳難尋泉邊白鹿聞人語

看過天仙

一作

壇漸入深

一作林

南嶺

一作嶺南路

越嶺向南風景異
人人傳說到京城
經冬來往不踏雪
盡在刺桐花下行

陪江州李使君重陽宴百花亭

閒攜九日酒
共到百花亭
醉裏求詩境
回看島嶼青

上張水部

出入門闌久
兒童亦有情
不忘將姓氏
常

一作長

說向公

卿每許連牀坐仍時

一作容

並馬行恩深轉無語懷抱甚

一作分明

鳳翔西池與賈島納涼

四面無炎氣清池闊復深蝶飛逢草住魚戲見人沉拂
石安茶器移牀選樹陰幾迴同到此盡日得閒吟

上汴州

一作淮南

令狐相公

罷相思猶在那容處靜司政嚴初領節名重更因詩公
事巡營外一作後戎裝拜勅時恭聞長與善應念出身遲

送于中丞入蕃冊立

上馬生邊思戎裝別衆僚雙旌銜命重空磧去程

一作城

遙迥沒

一作出

沙中樹孤飛雪外鷗蕃庭過冊禮幾日却

回

一作歸

朝

送淮陰丁明府

之官未入境已有愛人心遣吏回中路停舟對遠林

鳥

一作聲

淮浪靜雨色

一作氣

稻苗深暇日

公門掩唯應伴

客吟

送韋校書佐靈州幕

共知行處樂猶惜此時分職已為書記官曾校典墳寒
城初落葉高戍遠

一作樹晚

生雲邊事何須問深謀祇在君

上江州李使君

一作員外

起家聲望重自古更誰過得在朝廷少還因諫諍多經
年愁瘴癘幾處遇

一作想

思波入境無餘事唯聞父老歌

發鳳翔後塗中懷田少府

識君春

一作心

未半意欲住

一作往

經秋見酒連

一作聯

詩句

逢花跋馬頭別來唯獨宿夢裏尚同游所在求殮過無

因離

一作解

得愁

雪夜與真上人宿韓協律宅

斜雪微霑砌空堂夜語清逆風聽

一作孤

漏短回燭向樓

明盥漱隨禪伴謳吟得野情此歡那敢忘世貴丈夫名

與賈島顧非熊無可上人宿萬年姚少府宅

莫厭通宵坐

一作話

貧中會聚難堂虛雪氣入燈在漏聲

殘役思因生病

一作成疾

當禪豈覺寒開門各有事非

一作誰

不惜餘歡

震為蒼筤竹

為擢東方秀脩然異衆筠青蒼一作葱纔映粉蒙密正舍

春嫩籜霑微雨幽根絕細塵乍憐分徑小偏覺帶烟新

結實皆留鳳垂陰似庇人顧唯一作願為竿在手深水掛頰

鱗

題青龍寺

寺好因崗勢登臨值夕陽青山當佛閣紅葉滿僧廊竹

色連平地蟲聲在上方最憐東面靜為近楚城牆

送滕庶子致仕歸江南

常懷獨往意此日去朝簪丹詔榮歸騎清風滿故林諸
侯新起敬遺老重相尋在處饒山水堪行慰所心

夏日題武功姚主簿

此下一本有齋字
一本有廳壁二字

亭午無公事垂簾樹色間僧來茶竈動吏去印牀閒傍
竹行尋

一作過

蒼當門立看山吟詩老不倦未省話官班

送張景宣下第東歸

歸揚州
覲省

歸省值花時閒吟落第詩高情憐道在公論覺才遺春

雨連淮暗私

一作官

船過馬遲離心可惆悵為有入城期

送顧非熊下第歸

但取詩名遠寧論下第頻惜為今日別共受幾年貧聽

雨宿吳

一作貝

寺過江逢越人知從本府薦秋晚又辭親

送韋繇校書赴浙東幕

丞相辟書新秋闕獨去人官離芸閣早名占甲科頻水

驛迎船火山城候騎

一作吏

塵湖邊寄家久到日喜

一作倍

榮親

尋賈島所居

求閒身未得此日到京東
獨在鐘聲外相逢樹

一作雪色

中誰言人漸老所向意皆同
月上因留宿移牀對藥叢

題毗陵上人院

院深終日靜落葉覆秋蟲
盥漱新齋後修行未老中
映松山色遠隔水磬聲通
此處宜清夜高吟永與同

送李侍御入蕃

遠使隨雙節新官屬外臺戎裝非好武書記本多才移
帳一作歸使依泉宿迎人帶雪來心知玉關道稀見一花開

望蕭關

漸見風沙暗蕭關欲到時兒童能探火婦女解縫旗川
絕銜魚鷺林多帶箭麋暫來戎馬地不敢苦吟詩

送韓校書赴江西幕

從軍五湖外終是稱詩人酒後愁將別塗中過却春山
橋榭葉暗水館燕巢新驛舫迎應遠京書寄自頻野情

隨到處公務日關身久共趨名利龍鍾獨滯秦

題寄王秘書

唯求買

一作賣

藥價此外更無機扶病看紅葉辭官著白

衣斷籬通野徑高樹蔭鄰扉時復留僧宿餘

一作遊

人得

見

一作見亦

稀

山居

歸來青壁下又見滿籬霜轉覺琴齋靜閒從菊地荒山
泉共鹿飲林果讓僧嘗時復收新藥隨雲過石梁

重過惟貞上人院

老去唯求靜都忘外學名
掃牀秋葉滿對客遠雲生
香閣閒留宿晴階暖共行
窗西暮山色依舊入詩情

與石畫秀才過普照寺

問人知寺路松竹暗春山
潭黑龍應在巢空鶴未還
經年為客倦半日與僧閒
更共嘗新茗聞鐘笑語間

題任處士幽居

惜與幽一作故人別停舟對草堂
湖雲侵卧位杉露滴茶

牀山月吟時在池花覺後香生涯無一物誰與讀書糧
送僧往太原謁李司空

已共鄰房別應無更住心中時過野店後夜宿寒林寺
去人煙遠城連塞雪深禪餘得新句堪對上公吟

將之上京別淮南書記李侍御

心一作此地偶相見語多為別難詩成公府晚路入翠微

寒逢石自應坐有花誰共看身為當一作惟去鴈雲盡

到長安

韓協律相送精舍讀書四韻奉寄呈陸補闕

白鶴西山別更看上去船遙知尋寺路應念宿江煙到
處無閒日迴期已隔年何因陪夜坐清論諫臣邊

過蘇州曉上人院

夏滿律當清無中景自生移松不避遠取石亦親行經
案離時少繩牀著處平若將林下比應只欠泉聲

送僧遊緡雲

但望青山去何山不是緣寺幽堪講律月冷稱當禪水

落無風夜後吟欲雨天尋師若有路終作緩歸年

贈道者

自識來清瘦尋常語論真藥成休伏火符驗不傳人獨
有年過鶴曾無病到身潛教問弟子居處與誰鄰

杭州盧錄事山亭

山色滿公署到來詩景饒解衣臨曲榭隔竹見紅蕉清
漏焚香夕輕嵐視事朝靜中看鎖印高處見迎潮曳履
庭蕪近當身樹葉飄傍城餘菊在步入一僊瓢

送品上人入秦

一作北遊

獨去何人見
林塘共寂寥
生緣聞磬早
覺路出塵遙
江雪霑新草
秦園發故條
心知禪定處
石室對芭蕉

題薔薇花

四面

一作遠架

垂條密浮陰

一作雲

入夏清綠攢
傷手刺紅隋

斷腸英粉著蜂鬚
膩光凝蝶翅
明雨中

一作來

看亦好况

復值初晴

題胡氏溪亭

亭與溪相近無時不有風澗松生便黑野蘚看多紅雨
足秋聲後山沈夜色中主人能守靜畧與客心同

看濤

不知來遠近但見白峩峩風雨驅寒玉

一作翻
前駐

魚龍迸

上波聲長勢未盡曉去夕還過要路橫天塹其如造化
何

和劉補闕秋園寓興之什十首

閒園清氣滿新興日堪追隔水蟬鳴後當簷鴈過時雨

餘槐穠重霜近藥苗衰不以一作似朝簪貴多將野客期

誰言高靜意不異在衡茅竹冷人離洞天晴鶴出巢深
籬藏白菌荒蔓露青匏幾見中宵月清光墜樹梢

逍遙人事外杖屨入杉蘿草色寒猶在蟲聲晚漸多靜
逢山鳥下幽梅野僧過幾許新開菊閒從落葉和

留情清景宴朝罷有餘閒蝶散紅蘭外螢飛白露間牆
高微見寺林靜遠分山吟足期相訪殘陽自掩關

深齋嘗獨處詎肯厭秋聲翠篠寒愈靜孤花晚更明每

因逢石坐多見抱書行入夜聽疎杵遥知耿此情

蒼翠經宵在園廬景自深風淒欲去燕月思向來砧碧
石當莎逕寒煙冒竹林枯瓢閒寄詠清絕是知音

門巷唯苔蘚誰言不稱貧臺閒人下晚果熟鳥來頻石

脈潛通井松枝靜離塵殘蔬得晴

一作雨

後又見一番新

捲簾天色靜近瀨覺衣單蕉葉猶停翠桐陰已帶寒雲
從高處望琴愛靜時彈正去重陽近吟秋意未闌

竹逕通鄰圃清深稱獨遊蟲絲交影細藤子墜聲幽積

潤苔紋厚迎寒薺葉稠閒來尋古畫未廢執茶甌
風物已蕭颯晚煙生霽容斜分紫陌樹遠隔翠微鐘宿
客論文靜閒燈落燼重無窮林下意真得古人風

上翰林蔣防舍人

清重可過知內制從前禮絕外庭人看花在處多隨駕
召宴無時不及旬馬自賜來騎覺穩詩緣得後意長新
應憐獨在文場久十有餘年浪過春

上翰林李舍人

記得早年曾拜識，便憐孤進賞文章。
免令汨沒慙時輩，與作聲名徹舉場。
一自鳳池承密旨，今因世路接餘光。
雲泥雖隔思長在，縱使無成也不忘。

題章正字道正新居

孝標

獨在御樓南畔住，生涯還似舊時貧。
全無竹可侵行徑，一半花猶屬別人。
吟處不妨嫌鼓鬧，眼前唯稱與僧鄰。
近來漸覺青莎巷，車馬過從已有塵。

送李餘及第歸蜀

從得高科名轉盛亦言歸去滿城知發時誰不開筵送
到處人爭與馬騎劍路紅蕉明棧閣巴村綠樹蔭神祠
鄉中後輩遊門館半是來求近日詩

送

一作和

唐中丞開淘西湖夏日遊泛因書示郡

人

萍岸新淘見碧霄中流相去忽成遙空餘孤嶼來詩景
無復橫槎礙柳條紅旆露幽山翠濕錦帆風起浪花飄
共知浸潤同雷澤何慮川源有旱苗

過舊宅

一作題王侯廢宅

古巷戟門誰舊宅，早曾聞說屬官家。
更無新燕來巢屋，唯有閒人去看花。
空廐欲摧塵滿櫪，小池初涸草侵沙。
榮華事歇皆一作多如此，立馬踟躕到一作對日斜。

鄂渚

一作夏口

送白舍人赴杭州

豈知鸚鵡洲邊路，得見鳳凰池上人。
從此不同諸客禮，故鄉西與郡城鄰。

題崔駙馬林亭

選居幽近御街東，易得詩人聚會同。
白練鳥飛深竹裏，朱弦琴在亂書中。
亭開山色當高枕，樓靜簫聲落遠風。
何事宦塗猶寂寞，都緣清苦道難通。

贈韓協律

永日微吟在竹前，骨清唯愛漱寒泉。
門閒多有投文客，身病長無買藥錢。
嶺寺聽猿頻獨宿，湖亭避宴動經年。
親知盡怪踈榮祿，的是將心暗學禪。

自蕭關望臨洮

玉關西路出臨洮風卷邊沙入馬毛寺寺院中無竹樹
家家壁上有弓刀惟憐戰士垂金甲不尚游人著白袍
日暮獨吟秋色裏平原一望戍樓高

送崔約下第歸淮南覲省

遠憶拜親留不住出門行計與誰同程塗半是依船上
請謁多愁值雨中堰水靜連隄樹綠村橋時映野花紅
迴期須及來春事莫便江邊逐釣翁

羽林郎

紫髯年少奉恩初，直閤將軍盡不如。
酒後引兵圍百草，風前駐旆領邊書。
宅將公主同時賜，官與中郎共日除。
大笑魯儒年四十，腰間猶未識金魚。

歸故園

桑柘駢闐數畝間，門前五柳正堪攀。
尊中美酒長須滿，身外浮名總是閒。
竹逕有時風為掃，柴門無事日常關。
於焉已是忘機地，何用將金別買山。

同

一作聞

友人看花

尋花不問春深淺縱是殘紅也入詩每箇樹邊行一匝
誰家園裏最多時

種花

憶昔兩京官道上可憐桃李盡陰垂

一作盡
成蹊

不知誰作巡

花使空記玄宗遣種時

早發廬江塗中遇雪寄李侍御

蘆葦聲多雁滿陂濕雲連野見山稀遙知將吏相逢處
半是春城賀雪歸

登望雲亭招友

日日恐無雲可望不辭逐靜望來頻共知亭下眠雲遠
解到上頭能幾人

劉補闕西亭晚宴

蟲聲已盡菊花乾共立一作五老松陰向晚寒對酒看山俱

惜去不知斜月一作殘日下欄干

送長安羅少府

科名再得年猶少今日休官更覺賢去國已辭趨府伴

向家還入渡江船
雪晴新雁斜行出
潮落殘雲遠色鮮
在處若逢山水住
到時應不及秋前

林下招胡長官

一作寄招
胡明府

語低清貌似休糧
稱著朱衣入草堂
銷暑近來無別物
桂陰當午滿繩牀

與真上人一二禪師題玢寺主院

杖屨相隨任

一作在

處便不唯空寄上方
眠歸時亦取湖

邊路

一作去

晚映楓林共上船

尋僧

吟背春城出草遲
天晴紫閣赴僧期
山邊樹下行人少
一派新清一作泉日午時

題王丘長史宅

更無人吏在門前
不似居官似學僊
藥氣暗侵朝服上
花陰晚到簿書邊
玉琴閒把看山坐
筒簟長鋪與客眠
時見街中騎瘦馬
低頭只是為詩篇

寄劉少府

唯愛圖書兼古器在官猶自

一作似

未離貧更聞縣去青

山近稱與詩人作主人

哭胡遇

尋僧昨日尚相隨忽見緋幡意可知題處舊詩休更讀

買

一作置

來新馬憶曾騎不應隨分空營莫終擬求人與

立碑每向宣陽里中過遙聞哭臨淚先垂

自述

詩人甘寂寞居處遍蒼苔後夜蟾光滿鄰家樹影來豈

知蓮帳好自愛草堂開願答相思意援毫愧不才

御定全唐詩卷五百十四

謹案卷五百十四第五頁前四行上江州李使君
刊本使訛史據別本改

第六頁前五行深水桂賴麟按別本桂作鈎

陳陳堂
金壽堂
陳陳堂

總校官庶吉士臣張能照

校對官庶吉士臣許兆椿

謄錄監生臣馬植基

欽定四庫全書薈要

集部

御定全唐詩卷五百十

五至
七

欽定四庫全書薈要卷一萬七千九百二十集部

御定全唐詩卷五百十五

朱慶餘

省試晦日與同志昆明池泛舟

難問理島樹偶知名自省曾追賞無如此日情
回餘雪在浩渺暮雲平戲鳥隨蘭棹空波盪石鯨劫灰
同泛處遠色望中明靜見沙痕露微思月魄生周

送崔拾遺赴闕

清貌凌寒玉朝來拜拾遺行承天子詔去感主人知劔
佩分班日風霜獨立時名高住不得非與九霄期

酬李處士見贈

干上非無援才多却累身雲霄未得路江海作閑人久
別唯謀道相逢不話貧行藏一如此可便老風塵

送僧遊溫州

夏滿隨所適江湖非繫緣卷經離嶠寺隔葦上秋船水
落無風夜援啼欲雨天石門期獨往謝守有遺篇

夢謝亭

夢後何人見孤亭似舊時
褰開誠得地冥感竟因詩
不往過應少悲來下獨遲
顧慙非謝客靈貺杳難追

河亭

孤亭臨絕岸援鳥識幽蹊
花落曾誰到詩成獨未題
潮痕經雨在石筍與杉齊
謝守便登陟秋來屐齒低

送吳秀才之山西

澤潞西邊路蘭橈北去人
出門誰恨別投分不緣貧
枵

酒從年少知音在日新東湖發詩意夏卉竟如春

和處州嚴郎中遊南溪

四望非人境從前洞穴深潭清蒲遠岸嵐積樹無陰看
草初移屐捫蘿忽並簪世嫌山水僻誰伴謝公吟

秋宵讌別盧侍御

風亭弦管絕玉漏一聲新綠茗香醒酒寒燈靜照人清
班無意戀素業本來貧明發青山道誰逢去馬塵

酬于訢校書見貽

第一句缺一字
第二句缺三字

能得從軍清羸

綺羅徒滿目山水不離心暫

別愁花老相思倚竹陰家貧無以養未可話抽簪

送石協律歸吳興別業

識來無定居此去復何如一與耕者遇轉將朝客疎資

身唯

一作空

藥草

一作石

教子但詩書曾許黃庭本斯言豈

合

一作復

虛

同盧校書遊新興寺

山深雲景別有寺亦堪過才子將迎遠林僧氣性和潭

清蒲影定松老鶴聲多豈不思公府其如野興何

送馬秀才

清貌不識睡見來嘗苦吟風塵歸省日江海寄家心與
鶴期前島隨僧過遠林相於竟何事無語與知音

贈律師院

粉壁通蓮徑扁舟到不迷葦聲過枕上湖色滿窗西但
見修行苦誰論夏臘低閒看種來樹已覺與身齊

送僧往台嶽

五城初罷講海上憶閒行觸雪麻衣靜登山竹錫輕天
寒嶽寺出日晚島泉清坐與幽期遇何人識此情

送惠雅上人西遊

五湖僧獨往此去與誰期興遠常憐鶴禪餘有廢詩望
雲回寺晚為講到城遲還想安居日應當後夏時

將之上京留別淮南書記李侍御

半似無名位門當靜處開人心皆向德物色不供才酒
興春邊過軍謀意外來取名榮相府却慮詔書催

送祝秀才歸衢州

舊隱穀溪上憶歸年已深學徒花下別鄉路雪邊尋騎
吏陪春賞江僧伴晚吟高科如在意當自惜光陰

過孟浩然舊居

命合終山水才非不稱時冢邊空有樹身後獨無兒散
盡詩篇本長存道德碑平生誰見重應只是王維

送虛上人遊天台

青冥通去路誰見獨隨緣此地春前別何山夜後禪石

橋隱深樹朱闕見晴天好是修行處師當住幾年

孔尚書致仕因而有寄贈

高人心易足三表乞身閒與世長疎索唯僧得往還直

聲留闕下生事

一作計

在林間時復逢清

一作晴

景乘車看

遠山

和處州韋使君新開南溪

地里光圖讖樵人共說深悠然想高躅坐使變荒岑疏
鑿因殊舊亭臺亦自今靜容援暫下閒與鶴同尋轉旆

馴禽起褰帷瀑溜侵石稀潭見底嵐暗樹無陰躋險難
通屐攀栖稱抱琴雲風開物意潭水識人心攜榼巡花
遍移舟惜景沈世嫌山水僻誰伴謝公吟

送羅先輩書記歸後却還閩中留別

同是越人從小別忽歸鄉里見皆驚湖邊訪舊知誰在
幕下留歡但覺榮望嶺又生紅槿思登車豈倦白雲程
況當季父承恩日廉問南州政已成

送浙東陸中丞

坐將文教鎮藩維
花滿東南聖主知
公務宥容私暫入
豐年長與德相隨
無賢不是朱門客
有子皆如玉樹枝
自愛此身居樂土
詠歌林下日

一作自

忘疲

送元處士遊天台

青冥路口絕人行
獨與僧期上赤城
樹列煙嵐春更好
溪藏氷雪夜偏明
空山雉雉禾苗短
野館風來竹氣清
若過石橋看瀑布
不妨高處便題名

吳興新隄

春隄一望思無涯
樹勢還同水勢斜
深映菰蒲三十里
晴分功利幾千家
謀成既不勞人力
境遠偏宜隔浪花
若與青山長作固
汀洲有恨柳絲遮

一作條

遮

酬蕭員外見寄

麥風吹雨正徘徊
忽報書從郡閣來
道薄謬應宗伯選
詩成徒費謝公才
九霄示路空知感
十上一作載驚魂尚
未回勝寄容溪館
宿龍鍾慙見妓筵開
儻期霽後陪
新興一滴還須當一栢

台州鄭員外郡齋雙鶴

丹頂分明音響別，況聞來處隔雲濤。
情懸碧落飛何晚，立近清池意自高。
向夜雙栖驚玉漏，臨軒對舞拂朱袍。
仙郎為爾開籠早，莫慮回翔損羽毛。

送竇秀才

江南才子日紛紛，少有篇章得似君。
清話未同山寺宿，離歌已向客亭聞。
梅天馬上愁黃鳥，澤國帆前見白雲。
通籍名高年又少，回頭應笑晚從軍。

送邵州林使君

軒車此去也逢時地近

一作屬

湘南頗入詩一月計程那

是遠中年出守未為遲水邊花氣熏章服嶺上嵐光照

一作濕

畫旗想得化行風土變州人應為立生祠

送饒州張使君

白頭為郡清秋別山水南行豈覺賒楚老只一作已應思

入境吳兒從此去移家館依高嶺分樟葉路出重江見

葦花務退唯當吟詠苦留心曾不在生

一作天涯

題開元寺

西入山門十里程粉牆書字甚分明
蕭帝壞陵深虎跡
廣師遺院閉松聲長廊畫剝僧形影
石壁塵昏客姓名
何必更將空色遣眼前人事是浮生

與龐復言攜酒望洞庭

南湖春色通平遠貪記詩情忘酒
栝帆自巴陵山下過
雨從神女峽邊來青蒲映水疎還
密白鳥翻空去復回
盡日與君同看望了然勝見畫屏開

送浙東周判官

久聞從事滄江外，誰謂無官已白頭。
來備戎裝嘶數騎，

去持丹詔入孤舟。
蟬鳴遠驛

一作驛樹

殘陽樹

一作遠

鷺起湖

田片

一作夕

雨秋到日重陪丞相宴，
鏡湖新月在城樓。

塞下曲

萬里去

一作事

長征連年慣野營，
入羣來擇馬拋伴去擒。

生箭撚雕翎，
濶弓盤鵲角。
輕問看行近，
遠西過受降城。

送僧

客行皆有為

一作求

師去是閒遊野望携金策禪棲寄

一作

倚石樓山深松翠冷潭靜菊花秋幾處題青壁袈裟濺

瀑流

望早日

窗下聞雞後蒼茫映遠林纔分天地色便禁虎狼心是
處程塗遠何山洞府深此時堪竚望萬象豁塵襟

旅中秋月有懷

久客未還鄉中秋倍可傷暮天飛旅鴈故國在衡陽島

外歸雲迴林間墜葉黃數宵千里夢時見舊書堂

十六夜月

昨夜忽已過冰輪始覺虧孤光猶不定浮世更堪疑影落澄江海寒生靜路歧皎然銀漢外長有衆星隨

行路難

世事澆浮後艱難向此生人心不自足公道為誰平德喪淳風盡年荒蔓草盈堪悲山下路非祇客中行

閒居冬末寄友人

短亭分袂後倚檻思偏孤雨雪落殘臘輪蹄在遠塗入
情難故舊草色易凋枯共有男兒事何年入帝都

望九疑

浮生猶役役未得便尋真白日如無路青山豈有人煙
收遙岫小雨過晚川新倚杖何凝望中宵夢往頻

贈陳逸人

樂道辭榮祿安居桂水東得閒多事外知足少年中藥
圃無凡草松庭有素風朝昏吟步處琴酒與誰同

湖中間夜遣興

釣艇同琴酒良宵背水濱風波不起處星月盡隨身
浦迴湘煙卷林香嶽氣春誰知此中興寧羨五湖人

題娥皇廟

娥皇揮涕處東望九疑天往事難重問孤峰尚慘然
夜深寒峒響秋近碧蘿鮮未省明君意遺蹤萬古傳

送友人赴舉

第一句第七句並缺二字

世路久嗟君進取身十年雖苦志萬里託何人處

困非乖道求名本為親唯應

意先與化龍鱗

中秋月

自古分功定唯應缺又盈一宵當皎潔四海盡澄靜
覺風微起寒過雪乍傾孤高稀此遇吟賞倍牽情

宿山居

山店燈前客躋身未有媒鄉關貧後別風雨夜深來上
國求丹桂衡門長綠苔堪驚雙鬢雪不待歲寒催

夏末留別洞庭知己

清秋時節近分袂獨淒然此地折高柳何門聽暮蟬浪
搖湖外日山背楚南天空感迢迢事榮歸在幾年

過洞庭

帆挂狂風起茫茫既往時波濤如未息舟楫亦堪疑旅
鴈投孤島長天下四維前程有平處誰敢與心期

旅中過重陽

一歲重陽至羈遊在異鄉登高思舊友滿目是窮荒草
際飛雲片天涯落鴈行故山籬畔菊今日為誰黃

送人下第歸

獨立身難達新春與志違
異鄉青草長故國白頭歸
岼澗湖波溢程遙楚岫微
高秋期再會此去莫忘機

叙吟

雅道辛勤久潛疑鬢雪侵
未能酬片善難更免孤吟
有景皆牽思無愁不到心
遙天一輪月幾夜見西沈

塞下感懷

塞下閒為客鄉心豈易安
程塗過萬里身事尚孤寒
竟

日風沙急臨秋草木殘何年方致主時拂劒塵看

宿江館

江館迢遙處知音信漸賒夜深鄉夢覺窗下月明斜起
鴈看荒草驚波尚白沙那堪動鄉思故國在天涯

早梅

天然根性異萬物盡難陪自古承春早嚴冬鬪雪開豔
寒宜雨露香冷隔塵埃堪把依松竹良塗一處栽

夏日訪貞上人院

炎夏尋靈境高僧澹蕩中
命綦隈綠竹盡日有清風
流水離經閣閒雲入梵宮
此時祛萬慮直似出塵籠

春日旅次

林中鶯又囀為客恨因循
故里遙千里青春過數春
弟兄來漸少歲月去何頻
早晚榮一作營歸計中堂會所親

贈至寂禪師

處世唯披衲禪門幾歲寒
法空無所染性悟不多看
竟日門常掩相逢草自殘
有時尋道侶飛錫度峰巒

閒居即事

深嶂多幽景閒居野興清
滿庭秋雨過連夜綠苔生
石面橫琴坐松陰採藥行
超然塵事外不似絆浮名

廢宅花

數樹荒庭上芬芳映綠苔
自緣逢暖發不是為人開
色艷鶯猶在香消蝶已回
相從無勝事誰向此傾杯

寄友人

當代知音少相思在此身
一分南北路長問往來人是

處應為客何門許掃塵憑書正惆悵蜀魄數聲新

塗中感懷

世上名利牽塗中意慘然到家能幾日為客便經年跡
似萍隨水情同鶴在田何當功業一作勤苦遂歸路下遙天

贈道者

獨住神仙境門當瀑布開地多臨水石行不惹塵埃風
起松花散琴鳴鶴翅回還歸九天上時有故人來

長安春日野中

青春思楚地閒步出秦城滿眼是歧路何年見弟兄煙霞裝媚景霄漢指前程盡日徘徊處歸鴻過玉京

長城

秦帝防胡虜關心倍可嗟一人如有德四海盡為家往事乾坤在荒基草木遮至今徒者骨猶自哭風沙

酬李躔侍御

此去非關興君行不當遊無因兩處馬共飲一溪流

別李侍御後亭夜坐却寄

已作亭下別未忘燈下情吟多欲就枕更漏轉分明

題錢宇別墅

林居向晚饒清景惜去非關戀酒榼石淨每因杉露滴
地幽漸覺水禽來藥蔬秋後供僧盡竹杖吟中望月回
紅葉閒飄籬落迴行人遠見草堂開

近試上張籍水部

一作閨意
獻張水部

洞房昨夜停紅燭待曉堂前拜舅姑裝罷低聲問夫婿
畫眉深淺入時無

留別盧元休歸荆門

江邊離別心言罷
各霑襟以我去帆遠
知君離恨深雲
開孤鳥出浪起白鷗沈
更作來年約陽臺許伴尋

采蓮

隔煙花草遠濛濛
恨箇來時路不同
正是停橈相遇處
鴛鴦飛去一作出急流中

都門晚望

綠槐花墮御溝邊
步出都門雨後天
日暮野人耕種罷

烽樓原上一條煙

舜井

碧甃磷磷不記年青蘿鎖在小山巔
向來下視千山水疑是蒼梧萬里天

商州王中丞留喫枳殼

方物就中名最遠只應愈疾味偏佳
若交盡乞喫一作人人與采盡商山枳殼花

登玄都閣

野色晴宜上閣看，樹陰遙映御溝寒。
豪家舊宅無人住，空見朱門鎖牡丹。

贈鳳翔柳司錄

杏園北寺題名日，數到如今四十年。
點檢生涯與官職，一莖野竹在身邊。

啄木兒

丁丁向晚急還稀，啄遍一作盡庭槐。
未肯歸終日，與君除

蠹害莫嫌一作嗔無事不頻一作平飛。

榜曲

荷花明滅水煙空
惆悵來時徑不同
欲到前洲堪入處
鴛鴦飛出碧流中

逢山人

星月相逢現此身
自然無跡又無塵
秋來若向金天會
便是青蓮葉上人

過耶溪

春溪繚繞出無窮
兩岸桃花正好風
恰是扁舟堪入處

鴛鴦飛起碧流中

賀張水部員外拜命

省中官最美無似水曹郎前代佳名遜當時重姓張白
鬚吟麗句紅葉吐朝陽徒有歸山意君恩未可忘

送壁州劉使君

王府登朝後
巴鄉典郡新
江分入峽路
山見採鞭人
舊業孤城夢
生祠幾處身
知君素清儉
料得却來貧

贈江夏盧使君

詩人中最屈無與使君儔
白髮雖求退明時合見收
登山猶自健縱酒可多愁
好是能騎馬相逢見鄂州

送崔秀才遊江陵

樽前荆楚客雲外思榮迴
秦野春已盡商山花正開
鷗鷺驚帆乍起虹見雨初
來自自有歸期在蟬聲處
處催

觀濤

木落霜飛天地清空江百里
見潮生鮮飈出海魚龍氣
晴雪噴山雷鼓聲雲日半
陰川漸滿客帆皆過浪難平

高樓曉望無窮意丹葉黃花繞郡城

南湖

湖上微風小檻涼翻翻菱荇滿迴塘野船著岸入春草
水鳥帶波飛夕陽蘆葉有聲疑露雨浪花無際似瀟湘
飄然蓬艇東歸客盡日相看憶楚鄉

鏡湖西島言事

慵拙幸便荒僻地縱聞猿鳥亦何愁偶因藥酒欺梅雨
却著寒衣過麥秋歲計有餘添橡實生涯一半在漁舟

世人若便無知己應向此溪成白頭

送劉思復南河從軍

七千里別寧無恨且貴從軍樂事多不駐節旄先候發
偶逢山寺亦難過蠻人獨放畬田火海獸羣遊落日波
遠作受恩身不易莫拋書劍近笙歌

御定全唐詩卷五百十五

欽定四庫全書薈要卷一萬七千九百二十一

集部

御定全唐詩卷五百十六

王彥威

王彥威太原人孤貧力學淹識古今典禮舉明經甲科
撰元和新禮上之拜博士累擢司封郎中弘文館學士
開成時歷忠武宣武節度使詩一首

宣武軍鎮作

天兵十萬勇如貔正是酬恩報國時
汴水波瀾喧鼓角

隋堤楊柳拂旌旗前驅紅旆關西將坐間青娥趙國姬
寄語長安舊冠蓋麤官到底是男兒

庾敬休

庾敬休字順之鄧州新野人太和中累官戶部侍郎尚
書左丞詩一首

春雪映早梅

清晨凝雪彩新候變庭梅樹愛春榮徧窗驚曙色催寒
光添粉壁積潤履青苔分明六出瑞隱映幾枝開聞笛

花疑落揮琴興轉來曲成非寡和長使思悠哉

許孜

許孜太和元年登進士第兄弟琯瓘皆高科詩一首

題雁塔

寶輪金地壓人寰獨坐蒼冥啟玉關北嶺風煙開魏闕
南軒氣象鎮商山灞陵車馬垂楊裏京國城池落照間
暫放塵心游物外六街鐘鼓又催還

厲玄

厲玄登太和二年進士第官終侍御史姚合同時人詩
五首

從軍行

邊草早

一作早

不春劒光增野

一作淳

塵戰

一作廣

場收驥尾

清瀚怯龍鱗帆色起

一作已

歸越松聲厭避秦幾時逢范

蠡處處是通津

寄婺州溫郎中

時刺睦州

積雪沒蘭溪鄰州望不迷波中分鴈宿樹杪接猿啼婺

女家空在星郎手未攜故山新寺額掩泣荷重題

中丞捨宅

為寺郎中為題
寺額故有此句

送顧非熊及第歸茅山

故山登第去不似舊歸難帆卷江初夜梅生洞少寒採
薇留客飲折竹掃仙壇名在儀曹籍何人肯挂冠

送黃煜明府岳州湘陰赴任

恩雪譴雪幾人同歸宰湘陰六月中商嶺馬嘶殘暑雨

席帆高

一作洞
席帆

挂早秋風貢名頻向書闈失飛檄曾傳

朔漠空西省尚嗟君宦遠水雞啼處莫聽鴻

緱山月夜聞王子晉吹笙

緱山明月夜岑寂隔塵氛紫府參差曲清宵次第聞韻

流多入洞聲度半和雲拂竹驚驚侶經松鶴對一作舞羣

蟾光聽處合仙路望中分坐惜千巖曙遺音過汝墳

魏扶

魏扶太和四年進士第大中三年兵部侍郎同平章事

詩三首

和白敏中聖德和平致茲休運歲終功就合詠
盛明呈上

蕭關新復舊山川古戍秦原景象鮮戎虜乞降歸惠化
皇威漸被懾腥膻穹廬遠戍煙塵滅神武光揚竹帛傳
左衽盡知謫帝澤從茲不更備三邊

貢院題

梧桐葉落滿庭陰鎖閉朱門試院深曾是昔年辛苦地
不將今日負初心

賦愁

并序

白樂天分司東洛朝賢悉會興化亭送別酒酣各
請一字至七字詩以題為韻

愁迥野深秋生枕上起眉頭閨閣危坐風塵遠遊已
嗙不住谷水咽還流送客泊舟入浦思鄉望月登樓煙
波早晚長羈旅絃管終年樂五侯

楊漢公

楊漢公字用乂虞卿之弟太和八年擢進士第累官司

封郎中坐虞卿出刺舒州從湖毫蘇三州終桂林觀察
使詩二首

登郡中銷暑樓寄東川汝士

宮堯下瞰雲溪流極目煙波望梓州雖有清風當夏景
只能銷暑不銷憂

明月樓

吳興城闕水雲中畫舫青簾處處通溪上玉樓樓上月

清光合作水晶宮

上二句一作江南地暖少
嚴風九月炎涼正得中

何扶

何扶太和九年及第詩二首

送閬州妓人歸老

竹翠嬋娟草徑幽佳人歸老傍汀洲
玉蟾露冷梁塵暗金鳳花開雲鬢秋
十畝稻香新綠野一聲歌斷舊青樓
芭蕉半卷西池雨日暮門前雙白鷗

寄舊同年

金榜題名墨尚新今年依舊去年春
花間每被紅妝問

何事重來只一人

柴夔

柴夔太和中登進士第詩一首

望九華山

九華如劍插雲霓
青霄連空望欲迷
北截吳門疑地盡
南連楚界覺天低
龍池水蘸中秋月
石路人攀上漢梯
惆悵舊遊無復到
會須登此出塵泥

房千里

房千里字鵠舉登太和進士第官國子博士終高州刺史詩一首

寄妾趙氏

有序一作趙氏詩

余初上第游嶺徼有進士韋滂者自南海邀趙氏而來為余妾西上京都調于天官余乃與趙別約中秋為會期趙極悵戀余乃抒詩寄情

鸞鳳分飛海樹秋忍聽鐘鼓越王樓只應霜月明君意
緩撫瑤琴送我愁山遠莫教雙淚盡雁來空寄八行幽

相如若返臨邛市畫舸朱軒萬里游

劉郇伯

劉郇伯太和進士詩一首

早行

鐘靜人猶寢天高月自涼一星深戍火殘月半橋霜客
老愁塵下蟬寒怨路傍青山依舊色宛是馬卿鄉

句

人生分外愁

郇伯與范鄴為友鄴得句云歲盡天涯雨
久而莫屬郇伯云云范甚賞之見北夢

言瑣

李章武

李章武太和末官成都少尹詩一首

贈成都僧

南宗尚許通方便何處心中更有經
好去苾芻雲水勝何山松栢不青青

蕭倣

蕭倣登太和進士第歷諫議大夫給事中咸通初遷左

散騎常侍懿宗時擢禮部侍郎出為滑州刺史充義成
軍節度鄭滑潁觀察處置等使入為兵部尚書判度支
轉吏部尚書同平章事出為嶺南節度使詩二首

享太廟樂章

聖祚無疆慶傳樂章金枝繁茂玉葉延長海瀆常晏波
濤不揚汪汪美化垂範今王

享太廟樂章

於鑠丕嗣惟帝之光羽籥象德金石薦祥聖系無極景

命永昌神降上哲維天配長

柳棠

柳棠東川人應進士舉才思優贍開成中楊汝士鎮東
川棠每於座上賦詩狂縱後參越舊軍事卒詩二首

答楊尚書

未向燕臺逢厚禮幸因社會接餘歡一魚喫了終無媿
鵬化為鵬也不難

席上戲東川楊尚書

莫言名位未相儔
風月何曾阻獻酬
前輩不須輕後輩
靖安今日在衡州

鍾輅

鍾輅崇文館校書郎詩一首

緱山月夜聞王子晉吹笙

與厲玄
同題

月滿緱山夜風傳子晉笙
初聞盈谷遠漸聽入雲清
杳異人間曲遙分鶴上情
孤鸞驚欲舞萬籟寂無聲
此夕留煙駕何時返玉京
唯愁音響絕曉色出都城

御定全唐詩卷五百十六

欽定四庫全書薈要卷一萬七千九百二十二

集部

御定全唐詩卷五百十七

楊發

楊發字至之馮翊人以父遺直客蘇州因家焉登太和四年進士第歷太常少卿出為蘇州刺史即其鄰里也後為嶺南節度使以嚴為治軍亂貶婺州刺史詩十三首

南溪書院

茅屋住來久山深不置門草生垂井口花發接

一作擁籬

根入院將雛鳥攀蘿抱子猿曾逢異人說風景似桃源

春園醉醒閑卧小齋

酣醉送餘春醒來恨更頻花殘蜂蠹物葉暗鳥欺人簾
閉高眠貴齋空浩氣新從今北牕蝶長是夢中身

小園秋興

一作晚

誰言帝城裏獨作野人居石磴晴看疊山苗晚自鋤相
慚五秉粟尚癖一車書昔日揚雄宅還無卿相輿

與諸公池上待月

樹密雲縈岸池遙水際空
芰開方吐鏡蘋動欲含風
漸映沙汀白微分渚葉紅
金波宜共賞仙櫂一宵同

簷雀

弱羽怯孤飛投簷幸所依
銜環惟報德賀厦本知歸
紅筍休爭顧丹心自識機
從來攀鳳足生死戀光輝

殘花

一作羅隱詩

已笑良時晚仍悲別酒催
暖芳隨日薄殘一作輕片逐風

迴黛歛愁歌扇妝殘

一作紅

泣鏡臺繁陰莫矜銜終是共

塵埃

山泉

一作李才江詩

半空飛下水勢去響如雷靜徹啼猿寺高陵坐客臺耳
同經劍閣身若到天台澣樹吹成凍鄰祠觸作灰深中
試榔栗淺處落莓苔半夜重城閉潺湲枕底來

秋晚日少陵原游山泉之什

喧濁侵肌性未沈每來雲外恣幽尋塵衣更喜秋泉潔

倦跡方依竹洞深
暫過偶然應繫分
有期終去但勞心
唯憐一夜空山月
似許他年伴獨吟

秋晴獨立南亭

晝對南風獨閉關
暗期幽鳥去仍還
如今有待終身貴
未若忘機盡日間
心似蒙莊遊物一作象
外言慚許掾在
人間開襟自向清
風笑無限秋光為
解顏

宿黃花館

孤館蕭條槐葉稀
暮蟬聲隔水聲微
年年為客路無盡

日日送人身未歸何處迷鴻離浦月誰家愁婦擣霜衣
夜深不臥簾猶捲數點殘螢入戶飛

南野逢田客

桑柘悠悠水蘸堤晚風晴景不妨犁高機猶織臥蠶子
下坂未饑逢飼妻杏色滿林羊酪熟麥涼浮壠雉媒低
生時自樂死由命萬事在天管不迷

東齋夜宴酬紹之起居見贈

龍門八上不知津唯有君心困益親白社追遊名自達

青袍相映道逾新十年江海魚緘盡一夜笙歌鳳吹頻
漸老舊交情更重莫將美一作文酒負良辰

翫殘花

十日濃芳一歲程東風初急眼偏明低枝似泥幽人醉
莫道無情似有情

楊收

楊收字藏之發之弟十三善文詠吳人呼為神童會昌
元年登第累官中書侍郎同平章事為韋保衡所傾長

流驩州賜死詩三首

詠蛙

見舊唐書本傳
兄發戲令詠蛙

兔邊分玉樹龍底耀銅儀會當同鼓吹不復問官私

筆

又令詠筆
仍賦鑽字

雖匪囊中物何堅不可鑽一朝操政柄定使冠三端

嘲吳人觀者

吳人多造門求觀神童請為詩
什時觀者壓敗其藩收嘲之

爾幸無羸角何用觸吾藩若是升堂者還應自得門

楊乘

楊乘發之子大中初登進士第終殿中侍御史發兄弟
四人與諸羣從皆以文學登高第時號修行楊家詩五
首

甲子歲書事

時會昌四年
討劉稹也

豎子未鼎烹大君尚盱食風雷隨出師雲霞有戰色
犒功椎萬牛募勇懸千帛武士日曳柴飛將競執馘
喜氣迎捷書懽聲送羽檄天兵日雄強桀犬稍離析
賊臂既已斷賊喉既已搯樂禍但鯨鯢同惡為肘腋
小大勢難

佯逆順初不敵違命固天亡恃險乖長策蠱毒久萌芽
狼顧非日夕禮貌忽驕狂疏奏遂指斥動作豈佳兵含
忍恐無益鴻恩既已孤小效不足惜腐儒一鉛刀投筆
時感激帝閭不敢干恹恹坐長晝

南徐春日懷古

六代驕奢地三春物象繁靈湖通漲海天塹隔中原曉
渡高帆駛陰風巨艦翻旌旗西日落戈甲夏雲屯豹變
資陳武龍飛擁晉元風流前事盡文物舊儀存邪侮嘗

移潤忠貞幾度冤興亡山兀兀今古水渾渾露滴蜂偷
藥鶯啼日到軒酒腸堆麴蘖詩思遠乾坤愁夢全無蝶
離憂每愧萱形骸勞大塊玉石任炎崑出處寧由已升
沈未足言且應中聖樂坐起任昏昏

吳中書事

十萬人家天塹東管弦臺榭滿春風名歸范蠡五湖上
國破西施一笑中香逕自生蘭葉小響廊深映月華空
尊前多暇但懷古盡日愁吟誰與同

建鄴懷古

故城故壘滿江濱
盡是干戈舊苦辛
見此即須知帝力
生來便作太平人

陂句

伶俜

一作自憐

乖拙兩何如
晝泥琴聲夜泥書
數拍胡笳彈

未熟

一作遍

故人新命畫胡車

尹璞

尹璞會昌後人詩一首

題楊收相公宅

禍福從來路不遙偶然平地上煙霄煙霄未穩還平地

門對孤峯占寂寥

抒情錄作江遵詩云倚伏從來事不遙無何平地起青霄纔到青霄却平


地門對古槐空
寂寥與此小異

御定全唐詩卷五百十七

謹案卷五百十五第十八頁後三行湖上微風小
檻涼按別本小作入

卷五百十六第三頁後五行遺音過汝墳刊本音
訛香據別本改





總校官庶吉士臣張能照

校對官庶吉士臣許兆椿

謄錄監生臣馬植基